

ҮБХИС-ийн захирлын 2022 оны 06
дугаар сарын 22-ны өдрийн 116/ дугаар
тушаалын хоёрдугаар хавсралт

МОНГОЛ УЛСЫН ҮНДЭСНИЙ БАТЛАН ХАМГААЛАХЫН ИХ СУРГУУЛИЙН
БАКАЛАВРЫН БОЛОН МЭРГЭЖЛИЙН БОЛОВСРОЛЫН ХӨТӨЛБӨРИЙН
ЭЛСЭЛТИЙН ЖУРАМ

Нэг. Ерөнхий зүйл

1.1. Энэ журмаар Үндэсний батлан хамгаалахын их сургууль /цаашид ҮБХИС гэх/-ийн 2022-2023 оны хичээлийн жилийн бакалаврын болон мэргэжлийн боловсролын элсэлтийг зохион байгуулахтай холбогдох харилцааг зохицуулна.

1.2. ҮБХИС нь Дээд боловсролын тухай хуулийн 7.1, Боловсрол, шинжлэх ухааны сайдын 2013 оны А/79 дүгээр тушаалаар баталсан “Оюутан элсүүлэх журам”, 2018 оны А/194 дүгээр “Журамд нэмэлт өөрчлөлт оруулах тухай” тушаал, 2022 оны А/47 дугаар “Журамд нэмэлт өөрчлөлт оруулах тухай” тушаал, 2022 оны А/138 дугаар “Босго оноо тогтоох тухай” тушаал, 2022 оны А/160 дугаар “Мэргэжлийн чиглэл /хөтөлбөрийн нэр/, индекс шинэчлэн батлах тухай” тушаал, Батлан хамгаалахын сайдын 2020 оны А/77 дугаар тушаалаар батлагдсан “Үндэсний батлан хамгаалахын их сургуулийн дүрэм”-ийн 11.7.1, 11.7.8, мөн сайдын 2022 оны А/190 дүгээр “Цэргийн нэгдсэн дээд сургуулийг 4 жилийн сургалтын тогтолцоонд шилжүүлэх тухай” тушаал, 2022 оны А/133 дугаар “Үндэсний батлан хамгаалахын их сургуульд 2022-2023 онд элсэлт авах мэргэжил, хяналтын тоо батлах тухай” тушаал, ҮБХИС-ийн захирлын 2019 оны А/139 дүгээр тушаалаар баталсан “Дээд боловсролын бакалаврын зэрэг олгох сургалтын журам”-ын 2.2.7 болон энэхүү журмыг удирдлага болгон элсэлтийг зохион байгуулна.

1.3. Бакалаврын хөтөлбөр:

ҮБХИС-ийн 2022-2023 оны хичээлийн жилийн бакалаврын хөтөлбөрүүдийн элсэлтийг иргэний болон цэрэг, батлан хамгаалахын гэсэн үндсэн хоёр чиглэлээр зохион байгуулна.

Аюулгүй байдлын дээд сургуульд /иргэний чиглэлээр/: - Байгаль, нийгмийн ухаанд суурилсан “Авто инженерчлэл”, “Авто замын инженерчлэл”, “Электроникийн инженерчлэл”, “Кибер аюулгүй байдал”, “Нийтийн удирдлага”, “Эдийн засаг”, “Менежмент” зэрэг үндсэн хөтөлбөрүүдээр тус тус иргэний боловсролын бакалаврын зэрэг олгоно. Иргэний чиглэлийн хөтөлбөрүүдэд боловсролын бакалаврын зэрэг эзэмшигч эрэгтэй оюутнууд нь “Цэргийн албаны тухай” Монгол Улсын хуулийн дагуу суралцах хугацаандаа цэргийн мэргэжил олгох сургалтад бүрэн хамрагдан, хугацаат цэргийн алба хаасанд тооцогдож, цэргийн нэгдүгээр зэргийн бэлтгэл үүрэгтнээр бүртгэгдэнэ. Цэргийн мэргэжил олгох сургалтад хамрагдах оюутан нь бие бялдар, эрүүл мэндийн хувьд хугацаат цэргийн албанд тавигдах шаардлагыг хангасан байна.

Аюулгүй байдлын дээд сургуулийн иргэний чиглэлийн бакалаврын хөтөлбөрт суралцагч нь 1,2,3 дугаар ангид ОХУ, БНХАУ, ХБНГУ, ТУРК УЛС, БНЭУ, ЯПОН УЛС, БНСУ зэрэг орнуудтай байгуулсан гэрээний дагуу БХЯ, ЗХЖШ-аас ирүүлсэн захиалгыг үндэслэн дээрх улсуудын цэргийн сургуулиудын сонгон шалгаруулалтад оролцож тэнцсэн тохиолдолд суралцах боломжтой.

Цэргийн нэгдсэн дээд сургууль, Цэргийн хөгжмийн коллеж /цэрэг, батлан хамгаалахын чиглэлээр/: - Цэргийн ухаанд суурилсан Хуурай замын цэргийн сургалт хөтөлбөрөөр “Ерөнхий цэргийн команд”, “Артиллерийн команд”, “Хуягт танкийн команд”, “Хуягт танкийн техникийн ашиглалтын инженер”, “Цэргийн холбооны инженер”, “Цэргийн инженер”, “Цэргийн автотехникийн ашиглалтын инженер”, “Цацраг, хими, биологийн хамгаалалт хангалт”, “Зенитийн артиллерийн команд”, Агаарын цэргийн сургалт хөтөлбөрөөр “Зенитийн пуужингийн ашиглалтын инженер”, “Радиотехникийн команд”, Кибер аюулгүй байдлын цэргийн сургалт хөтөлбөрөөр “Кибер аюулгүй байдал”, Батлан хамгаалах хөтөлбөрөөр “Цэргийн сэтгэл зүйч”, “Цэргийн соёл хүмүүжлийн ажилтан”, “Цэргийн хөгжмийн удирдаач”, Цэргийн шинжлэх ухаан хөтөлбөрөөр “Цэргийн

зэвсэглэлийн ашиглалтын инженер”, “Цэргийн материал хангалтын мэргэжилтэн” зэрэг мэргэжлүүдээр Зэвсэгт хүчин, төрийн цэргийн байгууллагын офицерын албанд ажиллах хүсэл, эрмэлзэлтэй, бие хүний төлөвшил, бие бялдар, эрүүл мэндийн тусгай шаардлага хангасан иргэнийг элсүүлэн суралцуулж, төрийн цэргийн байгууллагуудын мэргэжил, хяналтын тоо, захиалгын дагуу цэргийн ухааны бакалаврын зэрэг олгож, дэслэгч цолтой төгсгөнө.

1.4. Мэргэжлийн боловсролын хөтөлбөр:

а. Цэргийн хөгжмийн коллеж /ЦХК/ нь хөгжимдөх урлаг /мэргэжлийн боловсрол/-ийн хөтөлбөрт Ерөнхий боловсролын сургуулийн 9 дүгээр анги төгссөн хөгжмийн авьяастай сурагчдыг элсүүлэн 4 жил цэргийн үлээвэр хөгжмийн сурагчаар суралцуулж, мэргэжлийн боловсролын диплом олгож, дэд ахлагч цолтой төгсгөнө.

б. Батлан хамгаалахын мэргэжлийн сургалт-үйлдвэрлэлийн төв /БХМСҮТ/ нь цэргийн зэвсэглэл, техник, тусгай тоноглол, төхөөрөмжийн чиглэлээр мэргэжлийн боловсрол олгох хөтөлбөрт 22 хүртэлх насны иргэдийг элсүүлэн 1 жилийн хугацаанд суралцуулж, цэргийн мэргэжил эзэмшүүлэн Зэвсэгт хүчний ахлагчийн албанд шилжүүлнэ.

1.5. ҮБХИС-ийн бакалаврын болон мэргэжлийн боловсрол олгох хөтөлбөрт элсэхээр хүсэлт гаргасан иргэнийг “бүртгүүлэгч”, зохих болзол хангаж элсэлтийн хяналтын тоонд багтсан бүртгүүлэгчийг “элсэгч”, элсэлтийг зохион байгуулахаар томилогдсон төв болон бакалаврын, мэргэжлийн боловсролын хөтөлбөрийн комиссыг “элсэлтийн төв болон салбар комисс”, элсэлтийн үйл ажиллагаанд оролцох ажилтныг “комиссын гишүүн” гэнэ.

1.6. Энэхүү журмыг ҮБХИС-ийн <http://mndu.gov.mn/elselt/>, <http://mndu.gov.mn> болон МИДСК-ын www.EES.EDU.MN хаяг, цахим болон төвийн хэвлэл, мэдээллийн хэрэгсэлд байршуулан, бүртгүүлэхийг хүсэгчдэд танилцах нөхцөл боломжийг бүрдүүлнэ.

1.7. Журмын хэрэгжилтэд төрийн захиргааны төв болон бусад байгууллага, олон нийт, эцэг, эхийн төлөөлөл, ҮБХИС-ийн удирдлагын зүгээс хөндлөнгийн хяналт тавих нөхцөлийг бүрдүүлсэн байна.

1.8. ҮБХИС-ийн элсэлтийг Орон нутагт Монголын Их Дээд Сургуулиудын Консорциум (МИДСК)-той хамтран /цахимаар/, Улаанбаатар хотод бие даан /ҮБХИС-д өөрийн биеэр ирж бүртгүүлэх/ тус тус зохион байгуулна. Явагдах элсэлтийн үйл ажиллагааг БШУЯ-аас албан ёсоор тогтоосон өдрөөс эхлэн ажлын 15 өдөрт багтаан зохион байгуулна.

1.9. ҮБХИС-ийн бакалаврын хөтөлбөрийг хэрэгжүүлэгч нь Цэргийн нэгдсэн дээд сургууль, Аюулгүй байдлын дээд сургууль, Цэргийн хөгжмийн коллеж, мэргэжлийн боловсрол олгох хөтөлбөрийг хэрэгжүүлэгч нь Цэргийн хөгжмийн коллеж, Батлан хамгаалахын мэргэжлийн сургалт-үйлдвэрлэлийн төв байна.

Хоёр. Бүртгүүлэгчдэд тавих шаардлага

2.1. Элсэхээр бүртгүүлэгч нь өөрийн хүсэл сонирхол, итгэл үнэмшлээрээ сонголтоо хийсэн, бие бялдрын болон гадаад хэлний шаардлагыг хангасан, ёс суртахууны зөв төлөвшилтэй, суурь өвчингүй, Монгол Улсын хууль тогтоомж, нийгмийн хэв журмыг сахиж биелүүлдэг, бүрэн дунд, түүнээс дээш боловсролтой Монгол Улсын иргэн байна.

2.2. Орон нутгаас суралцагч элсүүлэх хуваарьт зөвхөн тухайн аймагт оршин суугаа иргэд, Улаанбаатар хотоос элсүүлэх хуваарьт нийслэл хотод оршин суудаг харьяаллын бүртгэлтэй “Элсэлтийн ерөнхий шалгалт” /ЭЕШ/ өгсөн иргэд бүртгүүлнэ.

2.3. Орон нутагт элсэлтийн ерөнхий шалгалт өгсөн бүртгүүлэгч нь Улаанбаатар хотын элсэлтэд хамрагдах тохиолдолд Боловсролын үнэлгээний төвд бүртгүүлсэн байна.

2.4. Хөдөө орон нутагт элсэгчдийг **МИДСК**, Улаанбаатар хотод элсэгчдийг **ҮБХИС** тус тус элсүүлнэ.

2.5. Бүртгүүлэгч нь сонгосон бүлэг хөтөлбөрт хамаарах элсэлтийн шалгалтын хичээлээр 2020, 2021, 2022 онд ЭЕШ өгсөн аль нэг батламжаар элсэн суралцах эрх эдэлнэ. /Бүртгүүлэгч нь зөвхөн хүчин төгөлдөр нэг батламжаар бүртгүүлэх эрхтэй байна./

2.6. Бүртгүүлэгч нь ҮБХИС-д бүртгүүлэхээс өмнө элсэлтийн ерөнхий шалгалтын шалгуулагчийн буланд нэвтэрч, өөрийн хувийн мэдээлэл болон дүнтэй танилцаж, зөрчилтэй асуудал байвал урьдчилан шийдвэрлүүлсэн байна.

2.7. Хөтөлбөрийн онцлогоос хамаарч бүртгүүлэгч нь эрүүл мэндийн үзлэгт хамрагдаж, энэ журмын 4.4-д заасан ур чадварын шалгалт өгнө. /Ур чадварын шалгалтын үнэлгээг Элсэлтийн ерөнхий шалгалтын 2 дахь хичээлийн дүнд тооцно/

2.8. Бакалаврын болон мэргэжлийн боловсролын хөтөлбөрүүдэд элсэгч нь элсэлтийн шалгалтын хичээл тус бүрээр дараах босго оноог хангасан байна. Үүнд:

А. ҮНДСЭН БҮЛЭГ /БАКАЛАВРЫН ӨДРИЙН ХӨТӨЛБӨР, МЭРГЭЖИЛ/

АЮУЛГҮЙ БАЙДЛЫН ДЭЭД СУРГУУЛЬ /ИРГЭНИЙ ЧИГЛЭЛЭЭР/

Хүснэгт 1

№	Хөтөлбөр	Бүлэг	Элсэлтийн шалгалтын хичээл, босго оноо	
			I-хичээл	II-хичээл
1	Авто замын инженерчлэл	2	Математик, Физик /480/	Монгол хэл, Математик Англи хэл Нийгмийн тухай мэдлэг Физик Хими Биологи Газарзүй Монголын түүх Орос хэл
2	Авто инженерчлэл	2	Математик, Физик /480/	
3	Электроникийн инженерчлэл	2	Физик, Математик /480/	
4	Кибер аюулгүй байдал	2	Математик, Физик /480/	
5	Нийтийн удирдлага	1	Математик, Нийгмийн тухай мэдлэг /480/	
6	Менежмент	1	Математик, Нийгмийн тухай мэдлэг /480/	
7	Эдийн засаг	2	Математик /480/	

ЦЭРГИЙН НЭГДСЭН ДЭЭД СУРГУУЛЬ, ЦЭРГИЙН ХӨГЖМИЙН КОЛЛЕЖ /ЦЭРЭГ, БАТЛАН ХАМГААЛАХЫН ЧИГЛЭЛЭЭР/

Хүснэгт 2

№	Хөтөлбөрийн нэр	Цэргийн мэргэжлийн ангилал	Элсэлтийн шалгалтын хичээл, босго оноо	
			I-хичээл	II-хичээл
1	Хуурай замын цэргийн сургалт	Ерөнхий цэргийн команд	Англи хэл /480/, Нийгмийн тухай мэдлэг /480/	Ур чадварын шалгалт /Энэ журмын 4.4 дахь шалгуур үзүүлэлтийн дагуу шалгана/
2		Артиллерийн команд	Математик /480/	
3		Хуягт танкийн команд	Математик /480/, Физик /480/	
4		Хуягт танкийн техникийн ашиглалтын инженер	Математик /480/, Физик /480/	
5		Цэргийн холбооны инженер	Физик /480/, Математик /480/	
6		Цэргийн инженер	Математик /480/	
7		Цэргийн автотехникийн ашиглалтын инженер	Математик /480/, Физик /480/	
8		Цацраг, хими, биологийн хамгаалалт, хангалт	Хими, Биологи /480/	
9		Зенитийн артиллерийн команд	Математик /480/, Физик /480/	
10	Агаарын цэргийн сургалт	Зенитийн пуужингийн ашиглалтын инженер	Физик /480/	
11		Радиотехникийн команд	Физик /480/	

12	Кибер аюулгүй байдлын цэргийн сургалт	Кибер аюулгүй байдал	Математик /480/, Физик /480/
13	Батлан хамгаалах	Цэргийн сэтгэл зүйч	Нийгмийн тухай мэдлэг /480/, Математик /480/
14		Цэргийн соёл, хүмүүжлийн ажилтан	Нийгмийн тухай мэдлэг /480/, Математик /480/
15		Цэргийн хөгжмийн удирдаач	Нийгмийн тухай мэдлэг /480/, Математик /480/
16	Цэргийн шинжлэх ухаан	Цэргийн зэвсэглэлийн ашиглалтын инженер	Математик /480/
17		Цэргийн материал хангалтын мэргэжилтэн	Математик /480/

Б. ТУСГАЙ БҮЛЭГ /МЭРГЭЖЛИЙН БОЛОВСРОЛЫН ХӨТӨЛБӨР/

БАТЛАН ХАМГААЛАХЫН МЭРГЭЖЛИЙН СУРГАЛТ ҮЙЛДВЭРЛЭЛИЙН ТӨВ

Хүснэгт 3

Бүлэг	Хичээл 1	Хичээл 2	Нэмэлт шалгуур	Босго оноо
4	Математик Физик Хими	Ур чадвар	Эрүүл мэндийн үзлэг, ур чадварын шалгалт	Суурь, дагалдан хичээлүүд тус бүр нэг хичээлийн босго оноо 400 түүнээс дээш байна.

ЦЭРГИЙН ХӨГЖМИЙН КОЛЛЕЖ

Хүснэгт 4

Бүлэг	Хичээл 1	Хичээл 2	Нэмэлт шалгуур	Босго оноо
4	Математик	Монгол хэл	Эрүүл мэндийн үзлэг, ур чадварын шалгалт	Шалгалтыг 100% гэж тооцон 70%-иас дээш амжилт үзүүлбэл тэнцэх шалгуурыг хангасан

2.9. Сургалт, эрдэм шинжилгээ, спорт, зохион бүтээх инженерчлэлийн чиглэлээр олон улсын хэмжээний олимпиад, уралдаан тэмцээнд онцгой амжилт гаргасан элсэхийг хүсэгчдэд тус сургуульд элсэн суралцах босго оноог хангасан тохиолдолд “Ур чадварын шалгалт”-ыг дүйцүүлэн тооцно.

2.10. Босго /хэмжээст/ оноо нь хоёр хичээл тус бүрд **700-аас** дээш оноотой элсэгчдийг иргэний чиглэлийн бакалаврын хөтөлбөрийн сургалтын төлбөрөөс **50%** чөлөөлөн элсүүлэн суралцуулна.

2.11. Цэргийн мэргэжлийн бакалаврын хөтөлбөрт **17-23** насны иргэнийг /эрэгтэй/ элсүүлэн цэргийн бакалаврын зэрэг эзэмшүүлнэ. /Цэргийн албаны тухай Монгол Улсын хуулийн 9.5 заалтын дагуу энэхүү хөтөлбөрт суралцагчдын ахуй хангалт, дүрэмт хувцас, сургалтын төлбөрийг төр хариуцна/.

2.12. Хөгжмийн урлаг хөтөлбөрт ур чадварын шаардлага хангасан, хөгжимчний мэргэжлийн дипломтой, “ЭЕШ”-ын хүчин төгөлдөр батламжтай **22** хүртэлх насны хөгжимчин ахлагч болон иргэдийг элсүүлэн суралцуулна.

2.13. Мэргэжлийн боловсрол олгох хөтөлбөрт **22** хүртэлх насны иргэдийг /эрэгтэй/ элсүүлэн цэргийн тусгай мэргэжил эзэмшүүлнэ. /Цэргийн албаны тухай Монгол Улсын

хуулийн 9.5 заалтын дагуу энэхүү хөтөлбөрт суралцагчдын ахуй хангалт, дүрэмт хувцас, сургалтын төлбөрийг төр хариуцна/

2.14. Цэргийн мэргэжлээр бакалаврын болон мэргэжлийн боловсрол олгох хөтөлбөрт элсэгч нь **165 см**-ээс дээш өндөртэй, **60 кг**-аас багагүй жинтэй, биед сорви, шивээсгүй, ямар нэг гаж зуршилгүй, сэтгэц эрүүл байх шаардлагыг хангасан байвал зохино.

2.15. Мэргэжлийн боловсрол олгох хөтөлбөрт элсэлтийн шаардлага хангасан цэргийн хугацаат болон гэрээт алба хаагчдыг ЗХЖШ-ын даргын цэргийн албанаас халсан тухай тушаал, анги, байгууллагын албан бичиг, гэмт хэрэгт холбогдож байгаагүйг нотлох цагдаагийн байгууллагын тодорхойлолт зэргийг үндэслэн элсүүлэн суралцуулж болно.

2.16. **Цэргийн мэргэжлээр бакалаврын болон мэргэжлийн боловсрол олгох хөтөлбөрт эмэгтэй иргэнийг элсүүлэн суралцуулахгүй.**

2.17. Гадаад улсад бүрэн дунд боловсрол эзэмшсэн Монгол Улсын иргэнийг Боловсролын асуудал эрхэлсэн төрийн захиргааны төв байгууллагын элсэлтийн ерөнхий шалгалттай дүйцэх шалгалт өгсөн тухай тодорхойлолтыг үндэслэн элсүүлнэ.

2.18. Монгол Улсын засгийн газрын 2017 оны 144 дүгээр тогтоолоор батлагдсан "Иргэнийг цэргийн жинхэнэ албанд эрүүл мэндээр тэнцүүлэх болон цэргийн алба хаагчийн эрүүл мэндийн байдлыг тодорхойлох журам"-ын дагуу **биед сорви, шивээсгүй** нөхцөлд цэргийн сургуульд сонсогчоор элсүүлэн суралцуулах боломжтой. Иймээс элсэхээр бүртгүүлэгчид нь үзлэг хийх үед шивээс, сорви илэрсэн тохиолдолд элсэн суралцах боломжгүй болно.

2.19. Эрүүгийн хариуцлага хүлээж байсан болон хүлээж байгаа иргэнийг тус сургуулийн бакалаврын болон мэргэжлийн боловсролын хөтөлбөрт элсүүлэн суралцуулахгүй.

Гурав. Элсэлтийн бүртгэл

3.1. Элсэлтийн бүртгэлийг орон нутагт Монголын их, дээд сургуулиудын консорциумаас гаргасан тусгай журам, хуваарийн дагуу **цахимаар**, Улаанбаатар хотод ҮБХИС-ийн хаягаар **өөрийн биеэр** ирж бүртгүүлнэ.

3.2. Улаанбаатар хотод элсэлтийн бүртгэл **2022 он 6 дугаар сарын 28-ны өдрийн 08.00** цагт эхэлж, **7 дугаар сарын 8-ны өдрийн 15.00** цагт дуусгавар болж хаагдана.

3.3. Бүртгүүлэгч нь элсэлтийн бүртгэлийн хураамж **10,000 /арван мянга/** төгрөгийг Үндэсний батлан хамгаалахын их сургуулийн Төрийн сан дахь **100900014005** дугаар дансанд тушаана.

3.4. Улаанбаатар хот болон орон нутгаас бүртгүүлэгч нь ҮБХИС-д эрүүл мэндийн үзлэг, ур чадварын шалгалтад тогтоосон хугацаанд өөрийн биеэр ирж хамрагдана.

3.5. Элсэлтийн бүртгэлтэй холбоотой хүндрэлтэй асуудал үүссэн тохиолдолд элсэлтийн комисст хандаж шийдвэрлүүлнэ.

3.6. Хувь хүний өөрийн буруугаас болж үүссэн асуудлыг элсэлтийн комисс хариуцахгүй.

Дөрөв. Элсэгчийг шалгаруулах

4.1. Цэргийн мэргэжлийн бакалаврын хөтөлбөрүүдэд босго оноог хангасан бүртгүүлэгчдээс сонгон шалгаруулалт хийхдээ **хүснэгт 2-д**, мэргэжлийн боловсролын хөтөлбөрт босго оноог хангасан бүртгүүлэгчдээс сонгон шалгаруулалт хийхдээ **хүснэгт 3-д** заасан шалгалтуудын оноог тус тус 100 хувиар бодон нэмж хэмжээст оноог тогтоож, онооны дарааллаар байр эзлүүлэн хуваарь сонгуулах журмыг баримтална. Жишээ нь: Тухайн сонгосон хөтөлбөрийн хоёр шалгалтын оноог 100 хувийн харьцаагаар нэмнэ. Элсэгч нэгдүгээр хичээлд 480 оноо, хоёрдугаар хичээл буюу **ур чадварын 480** оноо авсан гэж үзвэл таны нийлбэр оноо $x = 480 + 480 = 960$ оноо болно.

4.2. Иргэний мэргэжлийн бакалаврын хөтөлбөрүүдэд босго оноог хангасан бүртгүүлэгчдээс сонгон шалгаруулалт хийхдээ **хүснэгт 1-д** заасан шалгалтуудын оноог 100 хувиар бодон нэмж хэмжээст оноог тогтоож онооны дарааллаар байр эзлүүлэн хуваарь сонгуулах журмыг баримтална. Жишээ нь: Тухайн сонгосон хөтөлбөрийн хоёр шалгалтын оноог **100** хувийн харьцаагаар нэмнэ. Элсэгч нэгдүгээр хичээлд **480** оноо, хоёрдугаар хичээлд **500** оноо авсан гэж үзвэл таны нийлбэр оноо $x = 480 + 500 = 980$

оноо болно. Энэхүү оноо нь элсэгчийн ҮБХИС-д элсэхийг хүсэгчдээс шалгаруулалт хийх хэмжээст оноо болно.

4.3. Бакалаврын болон мэргэжлийн боловсролын цэргийн хөтөлбөрт ЭЕШ-ийн нэгдүгээр хичээлээр тэнцсэн элсэгчдийг **2022 оны 07 дугаар сарын 18-наас 22-ны өдрүүдэд** Цэргийн төв эмнэлгийн цэргийн нарийн мэргэжлийн эмч нарын эрүүл мэндийн үзлэгт хамруулна. (Тухайн үеийн нөхцөл байдлаас шалтгаалан эрүүл мэндийн үзлэгт хамруулах хугацаа өөрчлөгдөж болно)

4.4. Ур чадварын шалгалтыг **2022 оны 07 дугаар сарын 25-26-ны өдрүүдэд** зохион байгуулна.

- “Цэргийн үлээвэр хөгжимчин” мэргэжлийн боловсрол олгох хөтөлбөрт элсэгчдээс ритм, сонгол, авьяас чадварын шалгалт, Ерөнхий боловсролын 9 дүгээр ангийн түвшинд математик, монгол хэл хичээлүүдээр **/хүснэгт 4/** шалгалт авч, эдгээр шалгалтыг 100% гэж тооцон 70%-иас дээш амжилт үзүүлбэл тэнцэх шалгуурыг хангасан гэж үзнэ.

- Цэргийн нэгдсэн дээд сургуулийн бакалаврын хөтөлбөр, Батлан хамгаалахын мэргэжлийн сургалт-үйлдвэрлэлийн төвийн мэргэжлийн боловсрол олгох хөтөлбөр, Цэргийн хөгжмийн коллежийн Хөгжмийн урлаг болон үлээвэр хөгжмийн хөтөлбөрт элсэгчдээс ур чадварын шалгалтыг **2022 оны 7 дугаар сарын 25-26-ны өдрүүдэд 09.00 цагт** ҮБХИС дээр авна (шалгалт авах байр, танхимыг бүртгэлийн үед мэдэгдэнэ). Шалгалтын дүнг **7 дугаар сарын 26-ны өдрийн 18.00 цагт** нийтэд мэдээлнэ.

УР ЧАДВАРЫН ШАЛГАЛТЫН ҮЗҮҮЛЭЛТ, НОРМАТИВ

№	Бие бялдрын чанарууд	Дасгалын төрөл	Аргачлал	Гүйцэтгэлийн үнэлгээ	Тэнцүүлэх үзүүлэлт	Тэнцүүлэх босго оноо
1.	Хүч	Дүүжинд суниах	Тоо	100%=800 оноо	12-оос дээш	480
2.		Гэдэсний таталт	Тоо	100%=800 оноо	56-аас дээш	480
3.	Тэсвэр	3000 метрт гүйх	мин	100%=800 оноо	12.30-аас дотогш	480
4.	Хурд	100 метрт гүйх	сек	100%=800 оноо	15.0-аас дотогш	480

Тайлбар: Дээрх 4 үзүүлэлтийн 3 ба түүнээс дээш дасгалыг биелүүлсэн тохиолдолд тэнцэнэ. 100 метр, 3000 метрийн гүйлтийн аль нэг дасгалд заавал тэнцсэн байвал зохино.

4.5. Хөтөлбөр бүрээр онооны дарааллаар байр эзлүүлж, хяналтын тоонд багтсан элсэгчдийн нэрийг мэдээллийн самбарт байршуулна.

4.6. Цэргийн нарийн мэргэжлийн эмч нарын үзлэгээр эрүүл мэндээр тэнцэхгүй нь тогтоогдсон, бие бялдрын бэлтгэлжилтийн шалгуур үзүүлэлтийг хангаагүй элсэгчдийг жагсаалтаас хасаж, онооны дарааллаар дараагийн бүртгүүлэгчид сонголтыг шилжүүлнэ.

Тав. Элсэгчээр бүртгэх

5.1. Цэргийн мэргэжлээр бакалавр, мэргэжлийн боловсрол олгох хөтөлбөрт тэнцсэн элсэгчдэд **7 дугаар сарын 27-28-ны өдрийн 08.00-17.00 цагт** “ҮБХИС-д суралцах эрхийн бичиг” олгоно.

5.2. Иргэний мэргэжлээр бүртгүүлэгчид нь **2022 оны 08 дугаар сарын 22-нд** сургууль дээр суралцах эрхийн бичгийг олгоно.

5.3. Иргэний мэргэжлээр амжилттай бүртгэгдэж, элсэлтийн ерөнхий шалгалтын оноогоороо тухайн сонгосон хөтөлбөрийн шаардлагыг хангасан элсэгч сургалтын төлбөрийг **100 хувь** төлж суралцах эрхээ баталгаажуулна.

5.3. Заасан хугацаанд ирж, суралцах эрхийн бичгээ аваагүй бүртгүүлэгчийг суралцахаас татгалзсанд тооцож, онооны дарааллаар дараагийн элсэгчид сонголтыг шилжүүлнэ.

5.4. Бүртгүүлэгч нь эрхийн бичиг авахдаа дараах материалыг бүрдүүлсэн байна. Үүнд:

- Иргэний үнэмлэх /хуулбараар/;
- ЭЕШ-ын батламж /хэвлэмэл байдлаар болон цахимаар/;

- Боловсрол эзэмшсэнийг гэрчлэх баримт бичиг /Суурь болон бүрэн дунд боловсролын гэрчилгээ/;
 - Сурагчийн хувийн хэрэг;
 - БХЯ, ЗХЖШ-ын зөвшөөрөл, анги байгууллагын тодорхойлолт /зөвхөн ахлагч нарт хамаарна/;
 - 3x4 хэмжээний цээж зураг 4 хувь;
 - Төгссөн сургуулийн тодорхойлолт;
 - Гурван үеийн намтар /Өөрийн болон эцэг, эхийн дэлгэрэнгүй намтарыг өөрийн гараар бичсэн байна/;
 - гэмт хэрэгт холбогдож байгаагүйг нотлох цагдаагийн байгууллагын тодорхойлолт /лавлагаа/;
 - Системээс илгээсэн бүртгэлийн хуудас;
 - Өөрийн суралцах бэлтгэл, авьяас чадвар, туршлага, хувийн зан чанар, хэрхэн суралцахаа илэрхийлсэн эсээ бичлэг;
 - ҮБХИС-д элсэн суралцахыг хүссэн өргөдөл зэрэг материалуудыг битүүмжлэл сайтай хавтсанд хийж бүрдүүлсэн байна.
- 5.5. Элсэгч нь “ҮБХИС-ийн дүрэм”-д заасан суралцагчдад тавигдах шаардлагын дагуу бүрэлдэхүүн сургуулийн захирал, Эрдэм шинжилгээ, сургалтын албатай “Суралцах гэрээ” байгуулна.

Зургаа. Бусад

6.1. Сургалтын нэг хөтөлбөрөөс нөгөө хөтөлбөрт шилжин суралцах асуудлыг зөвхөн нэгдүгээр дамжааны эхний хагас жилийн хөтөлбөрийг бүрэн хангасан тохиолдолд анги дэвших тушаал гарахаас өмнө шийдвэрлэх ба суралцах эрхийг бусдад шилжүүлэхийг хориглоно.

6.2. Орон нутгаас Цэргийн нэгдсэн дээд сургууль, Батлан хамгаалахын мэргэжлийн сургалт-үйлдвэрлэлийн төв, Цэргийн хөгжмийн коллежийн хөтөлбөрүүдэд тэнцсэн элсэгчид:

- 7 дугаар сарын 18-ны өдөр Улаанбаатар хотод хүрэлцэн ирж ҮБХИС-ийн элсэлтийн комисст бүртгүүлнэ.
 - 7 дугаар сарын 19-22-ны өдрүүдэд Цэргийн төв эмнэлгийн цэргийн нарийн мэргэжлийн эмч нарын эрүүл мэндийн үзлэгт хамрагдана. /Элсэгч эрүүл мэндийн үзлэгийн төлбөрийг Цэргийн төв эмнэлгээс тогтоосон үнийн тарифын дагуу хариуцан төлнө/
 - 7 дугаар сарын 25-26-нд ур чадварын шалгалт өгнө.
 - 8 дугаар сарын 01-ний өдрөөс 8 дугаар сарын 30-ны өдрийг хүртэлх хугацаанд цэргийн анхан шатны бэлтгэл сургалтад хамрагдаж, цэргийн тангараг өргөнө.
- 6.3. Иргэний мэргэжлээр элсэгчид сургалтын төлбөрөө бүрэн төлсөн тохиолдолд Их сургуулийн удирдлага мэдээллийн “Cloud university V2” системд бүртгүүлэх эрх нээгдэж ҮБХИС-ийн оюутны код, үнэмлэх авах боломж бүрдэнэ.

6.4. Суралцах эрх авсан боловч заасан хугацаанд хүндэтгэн үзэх шалтгаангүйгээр системийн бүртгэлд бүртгэлээ баталгаажуулаагүй элсэгчийг суралцахаас татгалзсан гэж үзэн суралцах эрхийг хүчингүйд тооцно.

6.5. Элсэлтийн цахим хуудас нь тогтмол ажиллагаатай нээлттэй үйлчилж элсэлттэй холбоотой мэдээллээр бүртгүүлэгчдийг хангана.

6.6. Элсэгчдэд бүрэлдэхүүн сургуулиуд хөтөлбөрүүдээ танилцуулах, зөвлөгөө өгөх үйл ажиллагааг зохион байгуулна.

6.7. ҮБХИС-д суралцах нөхцөлийг хангасан “Бакалаврын зэргийн диплом”-той элсэгчдийг суралцуулах асуудлыг “ҮБХИС-д боловсролын бакалаврын зэрэг олгох сургалтын журам”-ын 4.10.2 дах заалтыг үндэслэн хэрэгжүүлнэ.

Харилцах утас, мэйл хаяг:

- Сургалтын хэлтэс: 453164, info@mndu.gov.mn
- Цэргийн нэгдсэн дээд сургууль: 88118859, mglbaavar99@gmail.com
- Аюулгүй байдлын дээд сургууль: 454132, mes@mndu.gov.mn
- Цэргийн хөгжмийн коллеж: 480168, moc@mndu.gov.mn

- Батлан хамгаалахын мэргэжлийн сургалт-үйлдвэрлэлийн төв: 450416, nco@mndu.gov.mn
- ҮБХИС-ийн жижүүр: 480908
- Улаанбаатар хот, Баянзүрх дүүрэг, 16 дугаар хороо, Улаанхуаран /www.mndu.gov.mn/

СУРГАЛТЫН ХЭЛТЭС